



Kedah
Malaysia
where it all began

كردان نكران قديج نكران الامتاتان

KERAJAAN NEGERI KEDAH DARUL AMAN

PEJABAT KEWANGAN DAN PERBENDAHARAAN

NEGERI KEDAH DARUL AMAN

ARAS 3, BLOK E, WISMA DARUL AMAN

05503 ALOR SETAR, KEDAH DARUL AMAN

Telefon : 04-774 4000

: 04-774 4010

Faks : 04-733 0910

: 04-733 8717

: 04-774 4578

: 04-774 4643

“MUAFAKAT KEDAH”

Ruj. Kami : (28) dlm P. Kw.N(K) 1521 Jld 2

Tarikh : 30 Rabiulawal 1439
19 Disember 2017

SEMUA KETUA JABATAN NEGERI KEDAH DARUL AMAN

Y.B. Dato'/Y.Bhg. Dato'/Tuan/Puan

PEKELILING PERBENDAHARAAN NEGERI BIL. 6 2017 PERATURAN BANTUAN KHAS KEWANGAN TAHUN 2017 (BKK)

1. TUJUAN

- 1.1 Pekeliling ini bertujuan untuk melaksanakan keputusan Kerajaan Negeri untuk membayar Bantuan Khas Kewangan Tahun 2017 kepada pegawai Perkhidmatan Awam Negeri Kedah Darul Aman.

2. LATAR BELAKANG

Kerajaan Negeri memutuskan supaya Bantuan Khas Kewangan Tahun 2017 sebanyak RM2,000.00 dibayar kepada Pegawai Perkhidmatan Awam Negeri Kedah Darul Aman. Bantuan Khas Kewangan RM2,000.00 ini dibayar sebanyak RM1,000.00 pada bulan Disember 2017 manakala RM1,000.00 lagi pada bulan Mei 2018 menjelang sambutan Hari Raya Aidil Fitri.

3. PERATURAN PERLAKSANAAN PEMBAYARAN

Bantuan Khas Kewangan Tahun 2017 ini akan dibayar kepada semua pegawai Perkhidmatan Awam Negeri Kedah Darul Aman, termasuk pegawai kontrak, sambilan dan sementara yang telah berkhidmat dalam tahun 2017. Bayaran ini akan dibuat secara prorata berdasarkan bulan perkhidmatan sepanjang tahun 2017.

4. TARIKH PEMBAYARAN

Bantuan Khas Kewangan Tahun 2017 sebanyak RM1,000.00 akan dibayar pada 26 Disember 2017.

5. **PERATURAN PERLAKSANAAN BANTUAN KHAS KEWANGAN TAHUN 2017**

5.1 Dalam membuat pembayaran ini peraturan-peraturan berikut perlu dipatuhi:-

5.1.1 Bayaran bagi pegawai-pegawai Perkhidmatan Awam Negeri di bawah di mana gajinya dibayar melalui sistem gaji berkomputer (payroll) perkara berikut hendaklah dipatuhi:-

- i. Perbendaharaan Negeri akan mengeluarkan Laporan G004.
- ii. Jabatan hendaklah mencetak dan menyemak amaun bayaran Bantuan Khas Kewangan Tahun 2017 di Laporan G004 terutama sekali bagi mereka yang tidak layak menerima bayaran sepenuhnya atau yang memerlukan kiraan prorata .

Contoh perkiraan: $\frac{RM1000.00 \times \text{BULAN BERKHIDMAT}}{12}$

- iii. Sebarang pindaan di Laporan G004 tidak dibenarkan kecuali bagi kes-kes berikut:
 - a) Bersara
 - b) Meninggal dunia
 - c) Tindakan tatatertib
 - d) Letak Jawatan
 - e) Cuti Tanpa Gaji
 - f) Lantikan Baru

Adalah menjadi tanggungjawab Ketua Jabatan mengutip semula atau memotong sepenuhnya daripada gaji bulan berikut amaun yang tidak layak diterima oleh seseorang pegawai Perkhidmatan Awam Negeri ; dan

iv. Laporan G004 hendaklah disahkan oleh Ketua Jabatan :-

“Dengan ini disahkan bahawa maklumat / data Laporan G004 (termasuk pindaan) adalah betul dan tidak berlaku pembayaran dua kali atau pembayaran dibuat lebih. Jika berlaku Jabatan saya bertanggungjawab memungut balik iebihan tersebut..”

(Tandatangan & Cop Jabatan)

v. Laporan yang telah disahkan hendaklah dihantar kepada Perbendaharaan Negeri Kedah Darul Aman tidak lewat hari Rabu **20 Disember 2017** jam 12.00 tengahari. Jabatan yang gagal berbuat demikian menyebabkan Bantuan Khas Kewangan Tahun 2017 dibayar lewat.

5.1.2 Pembayaran Melalui Baucar Berasingan

Bantuan Khas Kewangan Tahun 2017 yang dibayar melalui baucar berasingan hendaklah disertakan penyata perubahan Kew. 8 dan dokumen sokongan yang lain dan dibayar dalam tahun 2018.

5.1.3 Pelarasan Untuk Bantuan Khas Kewangan Tahun 2017

Pelarasan yang sewajarnya jika perlu hendaklah dibuat oleh Jabatan dalam tahun 2018.

5.1.4 Kod urus niaga yang perlu digunakan bagi bayaran Bantuan Khas Kewangan adalah seperti berikut:-

KOD SODO	KOD ELAUN (PAYROLL)	PERIHAL
0117102		Bantuan Khas Kewangan Tahun 2017
0229306		Bantuan Khas Tahun 2017 pekerja sementara / sambilan yang tidak menyandang jawatan tetap.

6. Oleh yang demikian pohon kerjasama Y.B. Dato' / Y. Bhg. Dato' / Tuan / Puan dalam hal ini dan sekiranya mempunyai kemusykilan, sila hubungi **Seksyen Emolumen Perbendaharaan Negeri** di talian 7744605 / 4606 / 4607 / 4608 / 4609 untuk penjelasan.

Sekian, terima kasih.

"BERKHIDMAT UNTUK NEGARA"

Saya yang menurut perintah,



(NAZHATUN BT. MD. REJAB, AMK., (C.A.(M))

Bendahari Negeri,
b/p Pegawai Kewangan Negeri
Kedah Darul Aman.

s.k Y.B. Dato' Setiausaha Kerajaan Negeri Kedah Darul Aman
Y.B. Dato' Pegawai Kewangan Negeri Kedah Darul Aman
Pengarah Audit Negara, Negeri Kedah Darul Aman